

LE PREMIER ARTICLE
du Cahier general des deputez
du Tiers-Estat de France, as-
semblez à Paris, aux Augu-
stins.

*En l'annee mil six cents
quinze.*

QVE pour arrester le cours de la
pernitieufe doctrine qui fin-
troduit depuis quelques annees,
contre les Roys & Puissances souue-
raines, establies de DIEU, par esprits
seditieux, qui ne tendent qu'à les
troubler & subuertir : Le Roy sera
supplie de faire arrester en l'assem-
blee de ses Estats, pour Loy fonda-
mentale du Royaume, qui soit in-
violable & notoire à tous : Que
comme il est recogneu Souuerain en
son Estat, ne tenant sa Couronne
que de Dieu seul, il n'y a Puissance

en terre qu'elle qu'elle soit, spirituelle ou temporelle, qui ait aucun droit sur son Royaume pour en priuer les personnes sacrees de nos Roys, ny dispenser ou absoudre leurs subiects de la fidelité & obeissance qu'ils luy doiuent, pour quelque cause ou pretexte que ce soit. Que tous les subiects de quelque qualité & condition qu'ils soient tiendront ceste loy pour sainte & veritable, comme conforme à la parole de Dieu, sans distinction, equivoque, ou limitation quelconque; laquelle sera jurée & signee par tous les Deputez des Estats: & d'oresnauant par tous les Beneficiers, & Officiers du Royaume auant que d'entrer en possession de leurs Benefices, & d'estre reçus en leurs Offices: Tous precepteurs, Regents, Docteurs, & Predicateurs tenus de l'enseigner, & publier: Que l'opinion contraire, mesmes qu'il soit loisible de tuer & de

poser nos Roys, s'esleuer & rebeller
 contre eux, secoüer le joug de leur
 obeïssance, pour quelque occasion
 que ce soit, est impie, detestable,
 contre verité & contre l'establis-
 sement de l'Estat de la France, qui ne
 depend immediatement que de
 Dieu: Que tous liures qui ensei-
 gnent telle fausse & peruerse opi-
 nion seront tenus pour seditieux &
 damnables; Tous Estrangers qui
 l'escriront & publieront, pour enne-
 mis jurez de la Couronne: Tous
 subiects de sa Majesté qui y adhere-
 ront, de quelque qualité & condi-
 tion qu'ils soient pour rebelles, in-
 fracteurs des Loix fondamentales du
 Royaume, & criminels de leze-
 Maïesté au premier chef: Et sil se
 trouue aucun liure ou discours es-
 cript par Estranger, Ecclesiastique,
 ou d'autre qualité qui contienne
 proposition contraire à ladicte Loy,
 directement ou indirectement, se-

ront les Ecclesiastiques des mesmes
ordres establis en France, obligez d'y
respondre : les impugner & contre-
dire incessamment sans respect, am-
biguité n'y equiuocation, sur peine
d'estre punis de mesme peine que
dessus, comme fauteurs des ennemis
de cest Estat. Et sera ce premier Arti-
cle leu par chascun an, tant aux Cours
Souueraines que és Bailliages & Senes-
chaucees dudit Royaume, à l'ouuerture
des Audiences, pour estre gardé & ob-
serué avec toute seuerité & rigueur.

EXTRACT

DES REGISTRES

de Parlement.

SVR ce que le Procureur General du Roy a remonstré à la Cour, toutes les Chambres d'icelle assemblees, que combien que par plusieurs Arrests cy deuant donnez avec grande & meure deliberation la Cour ait confirmé les maximes de tout temps tenuës en France & nees avec la Couronne, *Que le Roy ne recognoist aucun Superieur au Temporel de son Royaume, sinon Dieu seul: & que nulle puissance n'a droict ny pouuoir de dispenser ses subiects du serment de fidelité & obeissance qu'ils luy doiuent, ny le suspendre, priver, ou deposer de sondit Royaume: & moins d'attenter, ou faire attenter par authorité, soit publique ou priuee sur les personnes sacrees des Roys:*

Neantmoins ils ont esté aduertis que par discours, tant en particulier, qu'en public, plusieurs personnes se donnent la licence de reuoker en doute telles maximés, disputer d'icelles, & les tenir pour problematiques, dont peuuent arriuer de tres-grands inconueniens, ausquels est necessaire de pouruoir, & promptement. Requerant qu'attendu que la Cour est assemblee, toutes affaires cessantes, il luy plaise ordonner que lesdits Arrests seront renouvellez, & derechef publiez en tous les sieges du ressort d'icelle, l'audience tenant, afin de tenir les esprits de tous subiects du Roy, *de quelque qualité & condition qu'ils soient*, confirmez & certains desdites maximés & regles, *& pour la seureté de la vie du Roy, paix & tranquillité publique*: Avec defenses d'y contreuenir sous les peines portees par lesdicts Arrests. Et qu'il soit enioinct à tous ses sub-

stituts en faire faire la publication,
& en certifier la Cour au mois, à
peine de priuation de leurs char-
ges.

LA COUR, toutes les cham-
bres assemblees, a ordonné & or-
donne que les Arrests des second
Decembre mil cinq cents soixante
& un, vingtneufuième Decembre
mil cinq cents nonante quatre, se-
ptième Ianvier, & dix-neufuième
Iuillet mil cinq cents nonante cinq,
vingt-septième de May, huitième
Iuin, & vingt-sixième de No-
uembre mil six cents dix, & vingt-
sixième de Iuin mil six cents quator-
ze, seront gardez & observez se-
lon leur forme & teneur: Faict de-
fenses à toutes personnes, de quelque
qualité & condition qu'elles soient
d'y contreuenir, sous les peines con-
tenües en iceux: & à ceste fin seront

publiez aux Bailliages ; Seneschaulceez, & aultres sieges de ce ressort, à la diligence des Substituts du Procureur General, qui en certifieront la Cour au mois, à peine d'en respondre en leur nom. Faict en Parlement le second de Ianuier mil six cents quinze.

Signé,

VOYSIN.